



# Bilten

hCa Tuzla

Mjesečni bilten – Februar 2009

## - UVOD -

### OMLADINSKI RESURSNI CENTAR (ORC) TUZLA; OMLADINSKA MREŽA BOSNE I HERCEGOVINE

Omladinska mreža Bosne i Hercegovine je neformalni skup vanstranačkih organizacija, grupa i osoba koje zadovoljavaju potrebe mladih u entitetima, aktivno ih uključujući u izgradnju demokratskih vrijednosti i jačanje civilnog društva. (Misija hCa Omladinske mreže u Bosni i Hercegovini, ustanovljena na radionici strateškog planiranja u Kulašima, 11. - 17. Juli 1999.g) Danas mreža okuplja 119 članica i 38 pojedinca iz 65 mjesta u BiH (zadnji podatak iz februara 2009 nakon revizije).

Dragi prijatelji, Pred vama se nalazi **februarsko** izdanje mjesečnog informativnog biltena Omladinskog Resursnog Centra (ORC) Tuzla i Omladinske mreže Bosne i Hercegovine.

Bilten izlazi na bosanskom-srpskom-hrvatskom i engleskom jeziku. U njemu se nalaze informacije o aktivnostima Omladinskog Resursnog Centra (ORC) Tuzla, te Omladinske Mreže Bosne i Hercegovine, informacije o mjesečnim aktivnostima omladinskih organizacija i grupa - članica ove mreže, njihovi planovi za naredni period, te ostale korisne informacije (donatori, pozivi na konferencije i seminare, školarine, stipendije...).

Ukoliko želite da budete na mailing listi za naredna izdanja mjesečnog informativnog biltena ili ako imate pitanja ili sugestije, javite nam se. Mjesečni informativni bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

<http://www.omladina-bih.net>

Uživajte u čitanju!!

## SADRŽAJ

Aktivnosti u Februaru 2009	.....	2
Planovi za Mart 2009	.....	2
Aktivnosti dijela članica mreže	.....	3
Nove članice	.....	13
Informacije	.....	16
Donatori,školarine,stipendije	.....	17

## AKTIVNOSTI U FEBRUARU 2008.

U toku mjeseca hCa/ORC Tuzla je radio na redovnim aktivnostima - obradi informacija interesantnih za omladinski aktivizam i distribucija istih prema omladinskim organizacijama i članovima Mailing liste Omladinske Mreže Bosne i Hercegovine, kao i uređivanju i distribuciji Mjesečnog biltena Omladinske Mreže Bosne i Hercegovine i redovno ažuriranje Web stranice: [www.omladina-bih.net](http://www.omladina-bih.net).

U okviru Regionalnog projekta za demilitarizaciju u partnerstvu sa NVO „Peace Action” iz Prilepa (Makedonija) radili smo na pripremama ulične kampanje i javne debate koje ćemo implementirati početkom Marta 2009. godine.

Dana 26 februara 2009. godine u prostorijama Udruženja za razvoj „NERDA“ u Tuzli održan je Prvi sastanak Koalicione grupe za TK, a koja je dio projekta „Prvi stan“ koje implementiraju Razvojna agencija EDA iz Banja Luke i Asocijacija za integrisani ekonomski razvoj „INEA“ iz Tuzle. Na sastanku su prisustvovali predstavnici naše organizacije, Miralem Tursinović i Emir Sejrančić, kao i predstavnici nekoliko nevladinih organizacija sa područja TK, i predstavnici opštinskih i kantonalnih organa vlasti.

## PLANIRANE AKTIVNOSTI ZA MART 2009

Nastavak rada hCa/ORC Tuzla na redovnoj distribuciji informacija omladinskim organizacijama u Bosni i Hercegovini, kao i uređivanje i distribucija mjesečnog biltena Omladinske Mreže Bosne i Hercegovine.

Rad na organizovanju aktivnosti Regionalnog partnerskog projekta u saradnji sa organizacijom NVO „Peace Action“ iz Prilepa (Makedonija)



## AKTIVNOSTI ČLANICA MREŽE

### "ZDRAVO DA STE" OMLADINSKI CENTAR Kastel

adresa: Cara Lazara 1, 78000 Banja Luka

tel/fax: ++387 51 /465-590

e-mail: e-mail: [kastel@blic.net](mailto:kastel@blic.net)

web stranica: [http:// www.kastelbl.org](http://www.kastelbl.org)



Počeo novi semestar

Nakon januarske pauze u omladinskom centru počeo je novi semestar. Djeca i mladi su nastavili da se kreativno izražavaju: plešući, vježbajući, glumeći, slikajući, praveći nakit, svirajući i učeći: engleski, francuski, italijanski, španski, njemački i informatiku. Omladinski centar osluškuje želje mladih te je ove godine u svoju široku ponudu uvrstio i latino plesove i etno muziku.

I ova godina u znaku internacionalne suradnje

"Zdravo da ste" omladinski centar od nastanka 1996. godine radi na promociji mobilnosti mladih i internacionalne saradnje na polju mladih. Iz godine u godinu ovaj aspekt rada omladinskog centra je sve razvijeniji. U sklopu programa "Mladi u akciji" Evropske Komisije omladinski centar je akreditovan kao kontakt organizacija za internacionalne razmjene volontera.

Ova godina je počela veoma aktivno te su volonteri i članovi omladinskog centra u toku januara i februara posjetili ili će posjetiti Italiju, Srbiju, Makedoniju i Albaniju. U Italiji su naši članovi učestvovali na trening kursu iz oblasti rješavanja konflikta u multikulturalnim sredinama. Pored naših članova treningu kursu su prisustvovali mladi iz: Srbije, Makedonije, Španije, Poljske, Libana, Palestine, Sirije, Rumunije i Italije. Početkom februara naši članovi prisustvovali su na trening kursu iz oblasti razvoja svijesti o održivom razvoju. Pored predstavnika Banja Luke svoje sredine predstavili su mladi iz Portugala, Belgije, Rumunije, Albanije i Srbije. U ovom momentu grupa članova omladinskog centra nalazi se na omladinskoj razmjeni u Makedoniji. Ova omladinska razmjena za temu ima osjećanje Evropskog građanstva i cijelovitosti Evrope. Krajem februara naši članovi učestvovali će na trening kursu iz oblasti omladinskog aktivizma koji će se održati u Albaniji. Pored ovih, za mart i april je također dogovoreno nekoliko internacionalnih razmjena.

Kako bi svoj grad predstavili u punoj ljepoti u periodu od 12 do 22. marta realizovati ćemo omladinsku razmjenu na teme: muzika i Evropsko građanstvo. Mladi iz Portugala, Italije, Srbije, Makedonije i Rumunije, te mladi iz Banja Luke kreiraju zajedno zvukove Evropskog građanstva. Finalni produkti ove razmjene biti će prikazani građanima Prnjavora i Banja Luke. U periodu od 13 do 15. februara u Banjoj Luci održan je sastanak planiranja na kom su se predstavnici zemalja učesnica dogovarali oko detalja razmjene.

Nastavak projekta "Unapređenje seksualnog i reproduktivnog zdravlja mladih u B&H"

I ove godine vršnjački edukatori podijelit će svoje znanje o seksualnom i reproduktivnom zdravlju sa vršnjacima iz osnovnih i srednjih škola. Svi oni koji žele više informacija mogu ih naći u školskim sekcijama u nekoliko škola, u Info Centru omladinskog centra i u medicinskom centru na poliklinici u Banja Luci

## J.U MOSTARSKI TEATAR MLADIH

adresa: Trg Republike 1, 88000 Mostar/BiH

tel/fax: 036/558 485, 036/558 486

E-mail: emteem@bih.net.ba



### REPERTOAR

za

februar – veljaču 2009. godine

#### **Ponedjeljak, 2. februar**

Igrobus u akciji

Osnovna škola Zalik u 11,05, 13,00 i 13,50 sati  
(u okviru projekta „Snagom drame protiv nasilja“)

«MASKE»

#### **Utorak, 3. februar**

Dvorana eMTeeM – a u 12, 30 sati

25. Međunarodna alternativna akademija

„Osnovi Forum teatra“

Elektrotehnička škola Mostar

#### **Srijeda, 4. februar**

Igrobus u akciji

VII Osnovna škola u 730, 8,20 i 9,10 sati

(u okviru projekta „Snagom drame protiv nasilja“)

«MASKE»

#### **Srijeda, 4. februar**

Dvorana eMTeeM – a u 17, 30 sati

25. Međunarodna alternativna akademija

Gimnazija Mostar

#### **Četvrtak, 5. februar**

Igrobus u akciji

Osnovna škola Vrapčići u 7,30 i 8,20 sati

«MASKE»

#### **Petak, 6. februar**

Igrobus u akciji

Osnovna škola Bijelo Polje u 9,05, 10,15, 11,05 i 11,55 sati

(u okviru projekta „Snagom drame protiv nasilja“)

#### **Subota, 7. februar**

Dvorana eMTeeM – a u 11, 30 sati

25. Međunarodna alternativna akademija

Gimnazija Mostar

## **Ponedjeljak, 9. februar**

Igrobuss u akciji

Osnovna škola Zalik u 12,50 i 13,45 sati

(u okviru projekta „Snagom drame protiv nasilja“)

«MASKE»

## **Utorak, 10. februar**

Dvorana eMTeeM – a u 12, 30 sati

25. Međunarodna alternativna akademija

Elektrotehnička škola Mostar

## **Srijeda, 11. februar**

Dvorana eMTeeM – a u 17, 30 sati

25. Međunarodna alternativna akademija

Gimnazija Mostar

## **Četvrtak, 12. februar**

Igrobuss u akciji

Dvorana eMTeeM – a u 18, 30 sati

Program Teatra u obrazovanju

## **Subota, 14. februar**

Dvorana eMTeeM – a u 11, 30 sati

25. Međunarodna alternativna akademija

Gimnazija Mostar

## **Utorak, 17. februar**

NDC u 16,00 sati

25. Međunarodna alternativna akademija

(pred konferencijska radionica)

“TiE metodologija”

## **Utorak, 17. februar**

Dvorana eMTeeM – a u 12, 30 sati

25. Međunarodna alternativna akademija

Elektrotehnička škola Mostar

## **Srijeda, 18. februar**

Dvorana eMTeeM – a u 17, 30 sati

25. Međunarodna alternativna akademija

Gimnazija Mostar

## **Srijeda, 18. februar**

Dvorana eMTeeM – a

25. Međunarodna alternativna akademija

“TiE metodologija”

## **Četvrtak, 19. februar**

Dvorana eMTeeM – a

25. Međunarodna alternativna akademija

“TiE metodologija”

## Četvrtak, 19. februar

Pozorište lutaka Mostar u 19,30 sati

Richard Kalinoski

“Zvijer na mjesecu”

## Petak, 20. februar

11. Međunarodna konferencija

“Drama/teatar i religija”

SOS KDI Porodični centar Mostar

14.00 – 19.00h

## Petak, 20. februar

Pozorište lutaka Mostar u 19,30 sati

Richard Kalinoski

“Zvijer na mjesecu”

## Subota, 21. februar

11. Međunarodna konferencija

“Drama/teatar i religija”

Jutarnje sesije

Tri radionice, 10.00 – 13.00h

Popodnevna sesija 18.30

19.30 Predstavljanje dvobroja (47./48.) časopisa „TmačaArt“; zbornik radova sa 10. Međunarodne teatarske konferencije CDO-a „Predmet, lutka, maska: moćno sredstvo teatarskog izražavanja“ održane u februaru 2008. godine

## Nedjelja, 22. februar

SOS KDI Porodični centar Mostar

11. Međunarodna konferencija

“Drama/teatar i religija”

Lokacija: SOS KDI – Porodični centar Mostar

10.00 – 13.00

15.00 – 18.00

Mohammadreza Farzad (Iran)

Savremene debate o supremaciji u religiji i teatru: Tekst ili akcija?

Svečana dodjela Međunarodne nagrade za doprinos razvoju dramskog odgoja “Grozdanin kikut”

## Ponedjeljak, 23. februar

Dvorana eMTeeM – a

25. Međunarodna alternativna akademija

## Utorak, 24. februar

Dvorana eMTeeM – a

25. Međunarodna alternativna akademija

## Utorak, 24. februar

Dvorana eMTeeM – a u 12, 30 sati

25. Međunarodna alternativna akademija

Elektrotehnička škola Mostar

**Utorak, 24. februar**

Dvorana eMTeeM – a u 19,30 sati  
Svečana premijera u povodu 35 godina Mostarskog teatra mladih  
Prema „Tri sestre“ A.P. Čehova  
„(Njegove) 3 sestre“

**Srijeda, 25. februar**

Dvorana eMTeeM – a  
25. Međunarodna alternativna akademija  
Majstorska postkonferencijska radionica

**Srijeda, 25. februar**

Dvorana eMTeeM – a u 19,30 sati  
Prema „Tri sestre“ A.P. Čehova  
„(Njegove) 3 sestre“

**Srijeda, 25. februar**

Dvorana eMTeeM – a u 17, 30 sati  
25. Međunarodna alternativna akademija  
Gimnazija Mostar

**Četvrtak, 26. februar**

Dvorana eMTeeM – a  
25. Međunarodna alternativna akademija  
Majstorska postkonferencijska radionica  
„Teatar u zajednici“

**Četvrtak, 26. februar**

Dvorana eMTeeM – a u 19,30 sati  
Prema „Tri sestre“ A.P. Čehova  
„(Njegove) 3 sestre“

**Petak, 27. februar**

Mostar u 19,30 sati  
Richard Kalinoski  
“Zvijer na mjesecu”

**Subota, 28. februar**

Dvorana eMTeeM – a u 11, 30 sati  
25. Međunarodna alternativna akademija  
Gimnazija Mostar

Igranje predstava usklađivati će se sa tokom i dinamikom radova u Dvorani eMTeeM – a, što može dovesti do izmjena programa.

Kupovinom karte «MARKA ZA eMTeeM», direktno pomažete završetak radova u dvorani Mostarskog teatra mladih.  
Učinite to!

Do sada je iz štampe izišlo 46 brojeva Časopisa za dramu, teatar i odgoj „TmačaART“, što predstavlja pravu malu biblioteku. Komplet svih brojeva, jer još uvijek imamo jedan broj kompleta, košta 228,00 KM.

Izračunali smo: prodaja 41 kompleta obezbijedit će, prvenstveno djeci i mladim ljudima, koji jesu naša publika i suradnici, optimalne uslove za rad i praćenje predstava u toploj dvorani. Računajući na vaše razumijevanje očekujemo da naručite jedan komplet i tako nam pomognete da konačno riješimo ovaj višegodišnji problem.

Očekujemo Vašu narudžbu!

Rezervacija ulaznica putem telefona 558 485 ili elektronskom poštom na adresu: [emteem@bih.net.ba](mailto:emteem@bih.net.ba) ili [cdo@bih.net.ba](mailto:cdo@bih.net.ba)

Prodaja ulaznica u kancelariji eMTeeM-a i CDO – a svaki radni dan od 9,00 do 13,00 sati ili na blagajni jedan sat prije predstave.

## **UDRUŽENJE GRAĐANA „EKO-Leonardo“ KLUB MLADIH, Priboj**

Adresa: Priboj bb, 75 249 Priboj

Tel: 065/538-494

E-mail: [ugekoleo@teol.net](mailto:ugekoleo@teol.net)



Obavještavamo javnost da je Udruženje Centar za ekologiju i energiju (CEETZ), Tuzla u partnerstvu sa NVO EKO-Leonardo, Priboj, Lopare realizujući projekat pod nazivom „Od učešća javnosti do održivog razvoja“ uz finansijsku podršku Evropske unije(EIDHR) i Fonda otvoreno društvo BiH oformilo koaliciju NVO sjeverno istočne BiH.

Nakon poziva (polovina januara 2009.) upućenog na ime NVO SI BiH i odabira NVO prema ranije utvrđenim kriterijima o članstvu, s obzirom na područje (sjeverno-istočna BiH) i oblast djelovanja (energije, otpada, voda, demokratije i ljudskih prava i održivog razvoja), donijeta je odluka o prijemu 39 organizacija od prijavljenih 65 NVO u članstvo koalicije.

Članovi koalicije će tokom edukacije kroz projekat steći brojna saznanja o problemima iz navedenih oblasti i načinima njihova prevazilaženja, osposobiti se za samostalno vođenje kampanja i realizovati ih u svojim sredinama, stvoriti bazu podataka sa svim relevantnim osobama koje mogu pomoći u rješavanju okolinskih problema i uspostavljajući bolji politički dijalog sa vlastima podsticati davanje prioriteta projektima održivog razvoja i pružiti kvalitetnu podršku u rješavanju nagomilanih problema.

Prijave NVO pristigle sa cijele teritorije BiH pokazuju da ni u ostalim dijelovima BiH nema dovoljne uvezanosti ovih organizacija, da nema jedinstvene baze podataka na koju bi se mogle osloniti organizacija ili građanin, želi li dobiti podatke ili podršku pri rješavanju svojih okolinskih problema, te da im je edukacija radi efikasnije realizacije okolinskih projekata i bolje komunikacije sa vlastima svima potrebna.

Kontakt osobe za dodatne informacije:

[ekoleonardo@hotmail.com](mailto:ekoleonardo@hotmail.com); 065/538-494

[advija.djonlic@ekologija.ba](mailto:advija.djonlic@ekologija.ba) , 035/249-310, 061/576-158

## KULT Sarajevo

Adresa: Banjska Ulica 2, 71210 Sarajevo

Tel: 033 637 290

E-mail: [sarajevo@kultbih.org](mailto:sarajevo@kultbih.org)

Web: [www.mladi.org](http://www.mladi.org)



Udruženje KULT, sa svoja četiri ureda, svojim aktivnostima i djelovanjem u javnom životu nastoji kreirati demokratsku sredinu gdje će vlasti biti partneri nevladinim organizacijama i zajedničkim naporima učiniti život građana/ki kvalitetnijim i boljim.

## Centralni ured Sarajevo (CUS)

Banjska ul. 2

71210 Ilidža

[sarajevo@kultbih.org](mailto:sarajevo@kultbih.org)

[www.mladi.org](http://www.mladi.org)

Tel./faks: 033 637 290



**Na februarskoj Sjednici Općinskog vijeća Ilidža vijećnici/e su izglasali da se Obrazovno-raznodnom centru za mlade SPAJALICA dodijeli ZLATNA PLAKETA, za doprinos razvoju zajednice. Plaketa će biti dodijeljena 12. marta na Dan općine Ilidža.**

## Aktivnosti u februaru

Udruženje KULT je od početka godine je krenuo i zadržao ubrzan tempo rada. Neke od aktivnosti koje su provedene u februaru su:



Od 30. januara do 1. februara u SPAJALICI je održana *Follow-up* radionica u okviru projekta „Upoznaj svoja prava i 'herstoriju' (žensku historiju), osnaži se i aktiviraj!“. Teme koje su se obrađivale su nasilje, liderstvo i plan djelovanja. Ova radionica provodila se u saradnji s GTZ-om i Fondacijom CURE. Sve polaznice obuke dobile su certifikat.

U okviru projekta MASLAČAK – Reci DA zdravom životu 21. i 22. februara održana je radionica o temi Nasilje među vršnjacima/kinjama, a savjetovanje za mlade održano je 15. februara.

Udruženje KULT postao je ponosnim članom Udruženja Kupujmo i koristimo domaće, na osnovi Volonterskog dnevnika™, koji je patentirani izum KULTA. KULT od sada koristi logo Kvalitetan proizvod.

Uposlenica KULTA prisustvovala je okruglom stolu o temi „Ilidža u pjesmama i knjigama“, koja je održana u biblioteci Četvrtе gimnazije na Ilidži, u saradnji sa Zavodom za javno zdravstvo Kantona Sarajevo. Okrugli sto održan je u znak prevencije ovisnosti (narkomanije, alkoholizma itd.).



U prostorijama SPAJALICE 4. februara održano je testiranje polaznika/ca kursa engleskog jezika kako bi se procijenio nivo znanja engleskog. Nakon ovog testiranja većina polaznika/ca koji su se prijavili zadovoljili su kriterije i kurs je

## Mjesečni bilten – Februar 2009

počeo 16. februara. Također i kurs engleskog za početnike/ce počeo se održavati istog dana kad i kurs engleskog za napredne. Oba kursa trajat će tri mjeseca.

Kurs šivanja, koji je trajao dva mjeseca, završen je 21. februara gdje će 7 polaznica dobiti certifikat o završenom kursu. Na ovom kursu polaznice su naučile kako rukovati šivaćom mašinom, kako skratiti, suziti svoju garderobu.

S koracima provođenja počinje i projekt Škola prijateljstva. Da se podsjetimo, riječ je o pomoći pri izradi domaćih zadataka, te radionicama i igraonicama za učenike/ce 3. i 4. razreda svih osnovnih škola s područja Ilidže. Aktivno ćemo kontaktirati osnovne škole, te prisustvovati svim roditeljskim sastancima koji će biti aktualni u narednom periodu.

Udruženje KULT uspješno nastavlja provoditi projekt *Puna usta mladih*. 4.2.2009. održan je prvi radni sastanak na kojem je formirana radna grupa za revidiranje nacrtu zakona o mladima ustupljenog od GTZ-a. U fazi izrade nalazi se i promotivni letak projekta. Sedam udruženja potpisalo je Memorandum o saradnji s KULTOM na ovom projektu, a šesnaest organizacija poslalo je pismo podrške projektu. Na sastanku BiH NVO Vijeća 24.2.2009. g., na kojem je izglasano članstvo KULTA u tom tijelu, projekt je ukratko predstavljen i dobio je usmenu podršku prisutnih.

Izrađen je radijski džingl poticajnog karaktera koji je prosljeđen svim radio stanicama/postajama u BiH. Više od deset radijskih kuća s područja cijele BiH počelo je s emitiranjem džingla. Trinaest web-portala objavilo je vijest o projektu i održavanju prvog radnog sastanka, zabilježena su dva medijska gostovanja, a dane su izjave i trijema radio-stanicama/postajama.

Parlamentarna komisija za mlade FBiH, čija je predsjednica članica radne grupe u okviru ovog projekta, donijela je 23.2.2009. zaključak da se Federalnom parlamentu predloži da u formi zaključka prihvati nacrt zakona o mladima, nakon čega bi se išlo s javnim raspravama.



U prostorijama Četvrte gimnazije na Ilidži održan je roditeljski sastanak za sve roditelje učenika/ca prvih razreda. U okviru ovog sastanka upriličena je i prezentacija udruženja s područja općine Ilidža, među kojima je bilo i naše Udruženje KULT. Predstavili smo se kroz zanimljivu prezentaciju, a roditeljima, kao i svim prisutnim podijeljen je promotivni materijal.



Preko stotinu djevojaka i mladića iz Ilidže i Istočnog Sarajeva prijavilo se za pohađanje obuke „Uči, misli i djeluj“ (UMiD) Udruženja KULT u Obrazovno-raznodnom centru za mlade SPAJALICA, a u okviru Projekta obrazovanja mladih uključenih u društvene procese, koji finansiraju Evropska unija, GTZ i Općina Ilidža.

21. i 22. februara održane su radionice na kojima je od svih prijavljenih kandidata/kinja odabrano 35-ero najboljih, koji će proći kroz jednogodišnji program obuke omladinskih lidera/ki.



Polaznice i polaznici svjesni su odgovornosti da u toku narednih 18 mjeseci, koliko traje obuka, ali i nakon nje, trebaju opravdati povjerenje što imaju priliku steći zavidno znanje i iskustvo koje je potrebno za bavljenje omladinskim radom, te vrijedno raditi u udruženju ili centru za mlade u svojoj zajednici.

Mladi će proći module iz 14 različitih oblasti: volonterizam, građansko društvo, timski rad, javno zagovaranje, projektno upravljanje i dr. Pored interaktivnih i metodološki raznovrsnih radionica mladi se međusobno druže, brišu predrasude i provode zajedničke projekte. Nakon okončanja zavidne obuke uz popunjavanje Volonterskog dnevnika™, bit će dodijeljeni certifikati samo onima koji su ispunili sve svoje obaveze.

Nekadašnji polaznici/e UMiD-a, koji su dolazili iz cijele Bosne i Hercegovine, i dalje su vrlo aktivni volonteri/ke u SPAJALICI, a od dobrovoljnog angažmana imaju i mnogobrojne lične koristi.

## Najava za mart

Početak marta bit će održana dodjela certifikata za polaznice koje su uspješno završile kurs šivanja.

U prostorijama SPAJALICE 5. marta počinje kurs njemačkog jezika za početnike. Grupa broji 16 polaznika/ca. Kurs će se održavati dva puta sedmično i trajat će tri mjeseca.

Kurs računara – MS Office još je u toku a trajat će do 17. marta kada će biti i završno testiranje polaznika/ca. Oni koji uspješno polože test dobit će certifikat o uspješno završenom kursu.

Planirano je i održavanje posljednje radionice MASLAČKA – Reci DA zdravom životu, a tema će biti Bolno odrastanje i emotivni razvoj mladih.

U okviru projekta Puna usta mladih održat će se radni sastanak s predstavnicima/ama 5 općina iz Republike Srpske kako bismo zajedno došli do zaključaka koje se odredbe Zakona o omladinskom organizovanju ne provode na lokalnom nivou. Sastanku će prisustvovati službenik/ca za mlade i predstavnik/ca mladih iz svake od partnerskih općina.

## "CENTAR ZA AFIRMACIJU MLADIH" ŠEKOVIĆI

Adresa: Mateje Nenadovića 19, 75450 Šekovići

Tel: 056 653 765

E-mail: [cam\\_sekovici@yahoo.com](mailto:cam_sekovici@yahoo.com)

Web: [www.camsekovici.cjb.net](http://www.camsekovici.cjb.net)

"Centar za Afirmaciju Mladih" ( CAM ) iz Šekovića uspješno je završio realizaciju kursa engleskog jezika za mlade u opštini Šekovići.

Kurs engleskog jezika je trajao od septembra 2008. godine do februara 2009. godine.

Kurs je pohađalo 35 mladih iz opštine Šekovići, a predavači na kursu su bili ovlašteni profesori iz Cambridge centra Banja Luka.

Projekat je u potpunosti finansijski podržalo Ministarstvo za porodicu omladinu i sport Republike Srpske, a tehnički je implementaciju projekta pomogla opština Šekovići. Kurs je sproveden potpuno besplatno za polaznike

Koristimo priliku da se zahvalimo donatorima, i nadamo se da će mladi opštine Šekovići i u narednom periodu, zahvaljujući Ministarstvu za porodicu omladinu i sport Republike Srpske, besplatno učiti strane jezike.

## UDRUŽENJE OBOLJELIH OD HRONIČNIH VIRUSNIH HEPATITISA – "B18"

Adresa: Srđe Zlopogleđe 37, 78000 Banja Luka

Tel: 065/228-923

E-mail: [uohcv@blic.net](mailto:uohcv@blic.net)

Web: [www.hepatitis.rs.ba](http://www.hepatitis.rs.ba)

### Predavanjem u Doboju nastavlja se serija predavanja o Hepatitisima B i C

Tokom prošle godine Udruženje oboljelih od hroničnih virusnih hepatitisa - "B18" je započelo sa nizom predavanja o virusnim hepatitisima B i C po gradovima u Republici Srpskoj. Cilj predavanja je bio da se građani bolje upoznaju o tome šta su virusni hepatitisi B i C , kako se prenose, na koji način ih preventirati i liječiti, te na taj način utičemo na širenje ovih virusnih infekcija na našim prostorima. Također, bilo je govora i o mogućnostima i načinima liječenja ovih bolesti u Republici Srpskoj.

Predavanja su održana u Laktašima, Banjaluci i Prijedoru tokom mjeseca oktobra, novembra i decembra, a predavanje je održala dr. Vesna Lučić-Samardžija, spec.epidemiolog.



Ove godine nastaviti će se serija predavanja i po drugim gradovima u Republici Srpskoj.

**Prvo predavanje ove godine održati će se u Doboju 12.marta (četvrtak) u velikoj sali Centra za kulturu i obrazovanje sa početkom u 18.00 časova.**

Pozivamo sve zainteresovane građane da prisustvuju i bolje se upoznaju o ovim virusnim infekcijama.

Također ovom prilikom pozivamo, ukoliko ima zainteresovanih organizacija, institucija i udruženja širom BiH da nas kontaktiraju, jer smo u mogućnosti da slična predavanja održimo i u njihovim gradovima.

## NOVE ČLANICE

Dragi prijatelji Omladinska Mreža BiH je dobila nove članove a to su:

POJEDINCI:

**Manuela Durmo**  
**Trg Djece Dobrinje 17, 71000 Sarajevo**  
**062/ 358-710**  
**manuela.durmo@hotmail.com**

Rođena sam u Sarajevu 06.04.1980.  
Živjela sam četiri godine u Njemačkoj te pet godina u Londonu, tečno govorim oba jezika.  
Smatram da bi se trebalo više raditi na pravima mladih.  
Volontirala sam u SOS-u za životinje, koji okuplja veliki broj mladih.

**Adis Muhibić**  
**Civilnih žrtava rata 3, 88400 KONJIC**  
**++387 61 610-127, 033-280-020 lokal 3343**  
**[adisruhobic@gmail.com](mailto:adisruhobic@gmail.com)**  
**[www.konjicani.net](http://www.konjicani.net)**

Adis Muhibić, rođen 11. juna 1977. godine u Sarajevu po obrazovanju je BA trener za specijalne namjene (vojske-policije), koji je školovanje za policijski posao počeo još u Srednjoj policijskoj školi u Sarajevu. Od 1998. godine bio je pripadnik Jedinice za osiguranje ličnosti i objekata Federalnog ministarstva unutrašnjih poslova (FMUP-a), a od 2006. godine policijski je inspektor Federalne uprave policije, gdje je Viši istražitelj za potražnu djelatnost.

Majstor je karatea crni pojas 1. Dan i majstorski kandidat za crni pojas Ju jutsu vještine, te vrstan poznavatelj samoodbrane i judo vještine.

Vršio je dužnost sudije porotnika u Općinskom sudu u Konjicu, a danas je član Upravnog odbora Sindikata službenika Federalnog ministarstva unutrašnjih poslova i Školskog odbora JU «Druga osnovna škola» Konjic. Također, dobrovoljni je darivatelj krvi i volonterski je aktivan u zajednici (predstavnik etažnih vlasnika, sekretar mjesne zajednice, Vijeće mladih, Vijeće roditelja i škole..).

Završio je brojne kurseve u okviru Crossroad centra, među kojima su i kursevi za poslovne integracije mladih, poslovnog engleskog jezika, soft skills, menadžment, advertising i promociju, istraživanje tržišta i odnose s javnošću.

Uključen u proces cjeloživotnog učenja, nastavlja da bude i dalje vrijedan član zajednice – spreman preuzeti dio odgovornosti, odnosno pridonijeti napretku Bosne i Hercegovine. Sve svoje aktivnosti profesionalne, volonterske, sportske, patriotske .. podrediti će ka postizanju i očuvanju pozitivnog i zdravog života, sigurnog i razumu prihvatljivog lijepog ponašanja – modela.

Oženjen je Sanelom, otac dva sina blizanca, Alija i Dine. Sa porodicom živi u Konjicu.

- volonter u zajednici
- predstavnik etažnih vlasnika,
- sekretar MZ Trešanica,
- predstavnik II razreda u Vijeću roditelja
- predstavnik roditelja u Školskom odboru JU «Druga osnovna škola» Konjic,
- ex. sudija-porotnik Općinskog suda u Konjicu,
- član UO Sindikata službenika FMUP-a...

## ORGANIZACIJE

**J.U. Mostarski teatar mladih**  
**Trg Republike 1, 88000 Mostar, BiH**  
**036/558 485, 036/558 486**  
[emteem@bih.net.ba](mailto:emteem@bih.net.ba)

O sebi, kratko, obično kažemo:

Mostarski teatar mladih nije samo teatar, ili pozorište, ili kazalište.

Mostarski teatar mladih je i teatar i pozorište i kazalište.

Mostarski teatar mladih je prije svega ideja. Ideja snažno distancirana od svih ideologija, nacionalizama i podjela bilo koje vrste.

Mostarski teatar mladih je projekat novog, otvorenog, aktuelnog, istraživačkog bavljenja umjetnošću teatra. To je mjesto stvaralačkog istraživanja na kojem je estetika sveto pravilo, ali joj je ipak pretpostavljena etika. To je profil trećeg teatra u kojem uz profesionalan angažman i rezultat mora u radu postojati i ljubav koju nosi amaterizam.

Mostarski teatar mladih nije teatar u kojem se radi.

U Mostarskom teatru mladih se živi.

Tu predstava nikad nije gotova. Ona je živ organizam koji se stalno mijenja, dograđuje, istražuje...

Tu glumac radi i onda kada nema predstavu ili probu, jer zna da uvijek ima šta naučiti.

Mostarski teatar mladih opredijeljen je za interakciju sa publikom koju cijeni, uvažava, ali i informiše, obrazuje i vodi kroz neslućene mogućnosti teatra u historiji civilizacije.

Mostarski teatar mladih okrenut je budućnosti crpeći sva bogatstva što ih nudi prošlost i sadašnjost.

Mostarski teatar mladih okrenut je Svijetu, da bi učio, ali i da bi poučavao.

Mostarski teatar mladih je most za budućnost.

Osnovan je 24. februara 1974. godine i od tada djeluje, uprkos svim nedaćama minulog vremena, u kontinuitetu. Do sada smo realizirali 110 premijera i odigrali oko 4.500 repriznih predstava i oko 1.000 drugih programa. Naše predstave i programe vidjelo je preko 2.000.000 gledalaca na četiri kontinenta. Dobitnici smo značajnih domaćih i međunarodnih nagrada za umjetničke rezultate. Članovi smo više međunarodnih

asocijacija i mreža što nam obezbjeđuje svakodnevnu komunikaciju sa teatrima i teatarskim umjetnicima, univerzitetima, časopisima i brojnim pojedincima iz cijelog svijeta.

Od 1975. godine organizator smo Međunarodnog festivala autorske poetike, koji je najveći festival ovog profila u ovom dijelu Evrope. Uz Festival već 22 godine organiziramo i Alternativnu akademiju kao specifičan vid edukacije teatarskih umjetnika iz cijelog svijeta. Ovaj oblik neformalnog obrazovanja, kao i Festival postali su obavezna destinacija i termini za sve značajne teatarske poslenike u svijetu.

Posljednjih osam godina svakog februara organiziramo Međunarodnu teatarsku konferenciju u okviru koje se različitim temama bave brojni teoretičari, praktičari i profesori teatarske umjetnosti.

Sve ove aktivnosti, kao i brojne koje nismo pomenuli svrstali su MTM u red najznačajnijih teataru «trećeg teatra» danas u svijetu.

Iz naše aktivnosti razvili su se:

- Međunarodni festival autorske poetike koji se ove godine organizira 28 put,
- Alternativna akademija koja se ove godine organizira 23 put,
- Centar za dramski odgoj Bosne i Hercegovine,
- Mreža nezavisnih teataru Bosne i Hercegovine,
- Časopis za dramu, teatar i odgoj „TmačaArt“,
- Odsjek dramskih umjetnosti Fakulteta humanističkih nauka Univerziteta „Džemal Bijedić“ u Mostaru,
- Međunarodna teatarska konferencija koja se ove godine organizira deveti put,
- Festival dječijeg dramskog stvaralaštva Bosne i Hercegovine koji se ove godine organizira deseti put,
- Festival srednjoškolskog teataru Bosne i Hercegovine koji se ove godine organizira peti put,
- Festival akademskog teataru BiH, koji se ove godine organizira po prvi put,
- Forum dramskog pisca koji se ove godine organizira četvrti put i posvećen je savremenim francuskim autorima,
- Mediateka,
- Igrobus, mobilna radionica za djecu izvan gradskih centara,
- Igrотека, poludnevni boravak djece u kreativnim radionicama MTM-a.

**NVO „FORUM ZA EVROPSKE  
INTEGRACIJE“ --- „CENTAR ZA OMLADINU“**  
**Ul. Studenička 12, 74 400 Derventa**  
**+387/65 863-314**  
**centarzaomladinu@yahoo.com**

Kao što je već napomenuto, Forum za Evropske integracije je u funkciji još od 2004 godine, te iza sebe ima niz uspješno izvedenih projekata. Najveći akcenat je trenutno stavljen na osposobljavanje i formiranje Centra za Omladinu čiji je koordinator Siniša Jovičić, te "regrutovanje" novih aktivista (volontera) i rad na projektima. Raspoložemo sa dovoljno prostorija, smatramo da imamo dovoljno ljudi zainteresovanih za rad. Još su nam potrebni određeni projekti koje bi realizovali, a smatramo da će uključivanje u ovu mrežu doprinijeti tome.. Naravno, imamo i svojih projekata koje planiramo realizovati. Htio bih da napomenem da svi naši aktivisti govore najmanje jedan strani jezik (Engleski uglavnom), i to jako dobro. S obzirom da nam je takav sektor, to je bio jedan od uslova. Ja kao koordinator perfektno govorim i Engleski i Njemački, tako da nije problem snaći se u slučaju nekakvog seminara ili projekta u inostranstvu. Spremni smo za suradnju, sa ostalim opštinama u BiH, te na zajedničkom ustrajanju u stavljanju mladih i omladine u bolju poziciju u BiH. U Omladinsku mrežu želimo da prijavimo odsjek za omladinu, tj. "Centar za omladinu" koji djeluje pri NVO Evropskih integracija, jer se on odnosi direktno na omladinu, dok Forum Evropskih integracija ima više odsjeka (od kojih je jedan i Centar za omladinu, kao sto sam već rekao.)

## INFORMACIJE

### Konferencija za mlade

Prvu Konferenciju Mladih Bosne i Hercegovine organizuje Tim za Razvoj Liderstva Mladih kao projekat nakon edukacije koju su prošli u okviru Youth Leadership programa u SAD-u.

Konferencija će se održati od 27. do 31. marta 2009. godine u Banjaluci i ima za cilj razvijanje sposobnosti mladih za realizaciju projekata kroz edukativne i zabavne sadržaje. Ukupno 30 ljudi, dobi od 16 do 30 godina postaće osnivači mreže mladih Bosne i Hercegovine koja će, uz pomoć projektnog tima Konferencije razvijati i realizovati omladinske projekte i uspostavljati saradnju između mladih Bosne i Hercegovine.

Ovom Konferencijom te posljedičnim stvaranjem mreže mladih iz različitih krajeva BiH podstiče se aktivnost, učestvovanje u društvu kao i oslobađanje predrasuda na osnovu pola, nacionalnosti, društvenog statusa i drugih faktora.

U toku Konferencije učesnici će raditi na idejnom razvoju pet projekata koji se bave rješavanjem problema mladih. Projekat mora biti izvodljiv na višem nivou (u više lokalnih zajednica) jer će nakon Konferencije biti realizovan u svih šest gradova učesnika. Tokom radionica, informacije koje učesnici dobiju će biti korisne za razvoj projekta.

Posljednje večer, predstaviti će se svih pet projekata a tim stručnjaka iz oblasti projekt-menadžmenta, predstavnici nevladinih organizacija i predstavnici vlasti će izabrati najbolji projekat, te će taj projekat biti i zvanično izabran za prvi projekat mreže mladih.

### Realizacija zajedničkog projekta

U periodu nakon Konferencije pristupit će se radu na izabranom projektu u svih šest gradova uz koordinaciju, podršku i pomoć Tima za Razvoj Liderstva Mladih. U tu svrhu biće kreiran i web-site sa forumom i mailing listom. Održavanje web stranice će biti dostupno svim učesnicima koji će uređivanjem sadržaja obavještavati javnost o dešavanjima i njihovom djelovanju u lokalnim zajednicama.

### Značaj i prednosti Konferencije

Tim za Razvoj Liderstva Mladih smatra da ovaj projekat daje mogućnost prvenstveno mladim ljudima da zaista aktivno učestvuju u donošenju odluka i njihovom sprovođenju. Smatramo da je Konferencija osvježenje među sličnima jer nudi aktivno umjesto pasivnog učestvovanja, a sama Konferencija je tek početak većeg i zajedničkog projekta koji tek treba da uslijedi nakon Konferencije. Ovim se nudi prilika mladim ljudima da od samog početka budu ne samo dio jednog velikog i nadamo se uspješnog projekta koji će zaživiti u BiH nego i oni koji će u potpunosti kreirati njegov izgled.

Smatramo da se ovim daje mogućnost učesnicima da preuzmu inicijativu u svojim lokalnim zajednicama, razviju lične potencijale lidera u zajednici, ali i sposobnosti djelovanja u većoj grupi, kao i da ostvare saradnju sa drugim mladim ljudima iz naše zemlje koji imaju slična shvatanja.

Prva Konferencija Mladih Bosne i Hercegovine

Tim za razvoj liderstva mladih i STEP

Tel: +387 65 340 115

Fax: +387 51 436 379

E-mail: konferencija.mladih@gmail.com

## Volonterizam

Poštovani

Ja sam trenutno student treće godine sociologije na Univerzitetu u Nottinghamu, Ujedinjeno Kraljevstvo. Prethodno sam posjetila Kosovo gdje sam prisustvovala ljetnoj školi koja se održala na Univerzitetu Priština. Jako me zanimaju ljudska prava na Balkanu, i ja vam pišem u nadi da imate neke volonterske programe u vašim organizacijama. Naravno ne očekujem da budem plaćane za taj posao, ali bih zato mnogo naučila i stekla iskustvo.

Unaprijed se zahvaljujem na vašem odgovoru

S poštovanjem

Miss M Hussain

lqyamh@nottingham.ac.uk

## **DONATORI / STIPENDIJE / ŠKOLARINE / NAGRADE / POSLOVI / PRILOZI**

### **Poziv za apliciranje**

Braga, Portugal, od 21 do 26 aprila 2009-02-24

Rok za podnošenje prijave je 18 mart 2009, aplikacije se podnose online.

Opis: ako želite da razvijete projekt omladinska demokracija u okviru programa Mladi u akciji i ako tražite Evropske partnere, onda se trebate prijaviti na ovaj kurs. Cilj je da učesnici razviju i razumiju Projekat omladinske demokracije. Više detalja možete naći na web stranici: <http://www.salto-youth.net/Participationcourses/>

Uvežite se, Toulouse, Francuska, od 12 do 17 maja 2009

Rok za podnošenje prijave je 25 Mart 2009, aplikacije se podnose online.

Opis: Zahvaljujući neformalnoj edukaciji, ovaj kurs će vam omogućiti da savladate vještine da bi ste upravljali međunarodnim omladinskim projektima u okviru plana 1.2 (Trans oceanske omladinske inicijative) programa Mladi u Akciji. Više detalja možete naći na web stranici: <http://www.salto-youth.net/Participationcourses/>

Treneri za trenere, Mađarska, Od 24 do 20 Juna 2009

Rok za podnošenje prijave je 17 april 2009, aplikacije se podnose online.

Opis: Ovo trenerski kurs za omladinske radnike, omladinske trenere s ciljem usavršavanja njihovih trenerskih vještina i podrška omladinskim grupama u razvoju projekata Akcija 1 (omladinske razmjene, Omladinske inicijative i projekti omladinske demokratije). Više detalja možete naći na web stranici: <http://www.salto-youth.net/Participationcourses/>

Poziv trenerima

## **SALTO SEE RC traži trenere za sljedeće aktivnosti:**

Trenerski kurs "Razvoj kvalitete u EVS projektima" u BiH, od 21 do 24 aprila 2009 (dva trenera). Više informacija o ovom trenerskom kursu, i o profilima trenera kao i online aplikaciju možete naći na web stranici <http://www.salto-youth.net/download/1708.pdf>

Rok za podnošenje aplikacija je 05.03.2009

Seminar za ostvarivanje kontakata "Inovativnost i kreativnost u omladinskim projektima" u saradnji sa Turskom nacionalnom agencijom od 5 do 10 maja (dva trenera). Više informacija o ovom treningu, trenerskom profilu kao i online aplikaciju možete naći na web stranici <http://www.salto-youth.net/download/1707.pdf>

Rok za podnošenje aplikacija je 06.03.2009

Kratka studijska posjeta Albaniji od 8 do 12 novembra (jedan trener). Više informacija o ovom trenerskom kursu, trenerskom profilu kao i online aplikaciju možete naći na web stranici <http://www.salto-youth.net/download/1709.pdf>

Rok za podnošenje prijave je 20.03.2009

## **Omladinska banka Tuzla**

### **Javni poziv mladima za apliciranje projekata**

Omladinska banka Tuzla, projekat Fondacije tuzlanske zajednice, 02.marta je otvorila prvi aplikacioni krug u 2009. godini za projekte koji imaju za cilj poboljšati uslove života mladih u Tuzli. Konkurs za prijem prijedloga projekata traje u periodu od 02. marta do 03. aprila 2008. godine. Aplicirati mogu formalne i neformalne grupe mladih u rasponu od 14 do 28 godina. Omladinska banka Tuzla daje maksimalni iznos granta do 700 KM po projektu kojeg će realizirati mladi za svoju zajednicu.

Omladinska banka Tuzla dva puta godišnje daje priliku mladim ljudima da dobiju sredstva za realizaciju svojih ideja s ciljem poboljšanja društvenog života mladih i na taj način promovise aktivizam i volonterizam u našoj zajednici. Projekti koje predlože mladi ljudi trebaju biti usmjereni na jednu od tema koje je postavio Odbor Omladinske banke, a to su: ekologija, kulturna dešavanja, sportske aktivnosti, edukacija, zdravlje, zabavno-društveni sadržaji, sigurnost mladih... Ako imate ideju koja se odnosi na jednu od ponuđenih tema, potrebno je da ispunite nekoliko jednostavnih koraka, koji počinju sa popunjavanjem aplikacije za projekat koje možete pronaći na našem web site [www.fondacijatz.org](http://www.fondacijatz.org) ili putem kontakata članova Odbora Omladinske banke. Ukoliko Vam je potrebna pomoć prilikom popunjavanja aplikacije naši članovi vam stoje na raspolaganju.

Ideja Omladinske banke Tuzla jeste da mladi rade sa mladima, odnosno da Odbor Omladinske banke sačinjen od mladih ljudi pomaže realizaciji ideja koje vode mladi. Mi ćemo se truditi da i u budućnosti motivišemo što više mladih ljudi u ostvarenju njihovih ideja i ciljeva. Aplikacije i sve detaljnije informacije možete dobiti u kancelariji Fondacije tuzlanske zajednice, ulica Matije Gupca 13 ili putem telefona 035/ 362 830 ili poslati nam mail na [obt@fondacijatz.org](mailto:obt@fondacijatz.org).

Ovom prilikom pozivamo sve mlade da apliciraju u što većem broju te da učine pozitivne promjene u zajednici u kojoj žive.

## Mjesečni bilten – Februar 2009

---

Dragi prijatelji,

Ukoliko ste zainteresovani da se u mjesečnom informativnom biltenu Omladinskog Resursnog Centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

**Rok za dostavljanje informacija za svako naredno izdanje je 30.-ti u mjesecu.**

WEB Stranica Mreže:  
sCh design  
Webmaster:  
Emir Delalić-Zeko - Tuzla  
emir.delalic@gmail.com  
emirdelalic@yahoo.com

web: [www.omladina-bih.net](http://www.omladina-bih.net)  
mejling lista Mreže:  
[mailing@omladina-bih.net](mailto:mailing@omladina-bih.net)

Adrese za slanje vaših informacija za mjesečni bilten:  
orcuzla@bih.net.ba  
fax: 035 258 077

hCa Tuzla  
Hadži Bakirbega Tuzlića 1,  
75000 Tuzla  
tel / fax: 035 258 077  
e-mail: [orcuzla@bih.net.ba](mailto:orcuzla@bih.net.ba)  
[hcatuzla@bih.net.ba](mailto:hcatuzla@bih.net.ba)

hCa Banja Luka  
Krfska 84, 78000 Banja Luka  
tel: 051 432 753,  
fax: 051 432 752  
e-mail: [hcalido@inecco.net](mailto:hcalido@inecco.net)  
[hcabl1@blic.net](mailto:hcabl1@blic.net)

**Mjesečni bilten uređuje Omladinski resursni centar - ORC Tuzla**